



**JUNTA DEL VALLE DE AEZKOA  
AEZKOAKO BATZARRE NAGUSIA**

31671 ARIBE (Navarra) · CIF: P3175000C

Tel: 948 76 43 75

jvaezkoa@infolocal.org

valledeaezkoa@gmail.com

www.aezkoa.org

Ariben, 2020ko abuztuaren 20an, eguerdiko ordu bat eta hogeita hamar minutu zirela, Aezkoako Batzarre Nagusiak bilkura arrunta egin du, lehenengo deialdian, legez deituta, haren presidente titularrak zuzenduta eta jarraian adierazten diren kideak bertan izan direla, eguneko honako gai hauek aztertzeko:

## **BERTARATUTAKOAK**

**Presidente jauna:** Karlos Bueno Reka

**Batzarrekide jaun-andereak:** Anchorena, Francisco Javier - Apat, Javier - Galarza, M<sup>a</sup> Carmen - Marrodan, Mikel.

## **LEHENA.- AURREKO BILKURAREN AKTA ONETSI.**

Eragozpenik agertu ez denez, onetsita gelditu da 2020ko uztailaren 28an egindako bilkuraren akta.

## **BIGARRENA.- EHIZA-BARRUTIA: APROBETXAMENDUA ESLEITZEA LOS MOZOLOS EHIZTARIEN ELKARTEARI.**

Ehizaren Antolaketa Plana onartu ondoren, Batzarre Nagusiaren Osoko Bilkurak erabaki du, indarrean dagoen Ehizari buruzko Legean aurreikusitakoarekin bat etorritz, Los Mozolos Ehiztarien Tokiko Elkarteari zuzenean esleitzea ehiza-barrutiko ehiza nagusiaren eta usategietako aprobetxamenduak, Gibelean dauden horiek izan ezik. Batzarre Nagusi honek urtarrilean egindako bileran onetsitako eta elkarteko ordezkariekin izandako bileraren ondoren adostutakoaren arabera, honako hauek dira Ehiza nagusiaren esleipena arautzen duten baldintzak:

1.- Tokiko ehiztarien elkarteari zuzenean esleitzeak izaera soziala du; ehiza barrutia esleitu zaion tokiko elkarteko ehiztari guztiek eskubide eta betebeharrak berberak dituzte, elkarteak ehiza barrutian egiten dituen jarduera guztietarako.

2.- Honako betekizun hauek ezartzen dira tokiko edo kanpoko ehiztaritzat hartzeko:

Honako hauek hartuko dira tokiko ehiztaritzat:

- a) Aezkoako herrietan erroldatutakoak.
- b) Aezkoako edozein udalerritan jaiotakoak
- c) Lehen mailako odol-ahaidetasunezko edo ezkontza-ahaidetasunezko lotura dutenak aurreko ahaideren batekin.

Gainerakoak kanpokotzat joko dira.

3.- Barrutiaren esleipendun den tokiko elkarteak kanpoko ehiztariak bazkide egiteko betebeharrari dagokionez, elkarteak ez du kanpoko ehiztariak bazkide egiteko betebeharririk.

Nahitaezkoa da ehiza-barrutirik ez duten ehiztari nafarren eskura plazaren bat jartzea, eta hori ez da inola ere izanen tokiko elkarteak osatzen duten ehiztarien kopuruaren % 3 baino txikiagoa, salbu eta ehiza antolatzen planean ezarritako ehiztarien gehieneko kopurua tokiko elkarteko ehiztarien

kopuruaren berdina edo txikiagoa bada. Baimen horien kostua ez da izanen tokiko ehiztariantzat ezarritakoaren bikoitza baino handiagoa, eta baimen horiek emateko ez da beharrezkoa izanen ehiztariak tokiko elkarteetan sartzea.

4.- Kanpoko ehiztariei kobratu beharreko gehieneko prezioa proportzio honen arabera izanen da: tokikoei 1, kanpokoei 2.

5.- Tokiko ehiztarien elkarteak egunerako gonbidapenak egin ahal izanen ditu, baldin eta bazkide baten bermea badute. Nolanahi ere, gonbidapen horiek nominalak izanen dira eta ehiza egun jakin baterako baino ez. Era berean, ez dira izanen, eguneko, barrutia osatzen duten ehiztarien kopuruaren % 3a baino gehiago.

6.- Aprobetxamenduaren zehaztapen eta baldintza teknikoak.

Aprobetxamenduak barne hartuko ditu: Antolamendu Planean adierazitako usategiak, Gibelean daudenak izan ezik; eta ehiza nagusia, jarraian adierazten diren salbuespenekin. Hori guztia ehiza barrutia arautzen duen eta 2020.ean onetsi zen Ehiza Antolamendu Planean ezarritakoari (eta balizko aldaketei) jarraikiz.

- Tokiko Ehiztarien Elkarteak oreinak eta orkatzak zelatan ehizatzekeo baimen guztiak edo horietako parte bat utzi ahal dio Batzarre Nagusiari. Kasu hori emanez gero, Aezkoako Batzarre Nagusiak kudeatuko ditu zuzenean, eta prezio bidez esleitzea erabaki ahal izanen du, horregatik elkarteari inolako kontraprestaziorik eman behar izan gabe.

Esleipenduna arduratuko da basafaunaren babesaren arloan indarrean dauden xedapenak betetzeaz. Baldintza hauetan xedatu ez den guztirako, 17/2005 Foru Legea, abenduaren 22koa Nafarroako Ehizari eta Arrantzari buruzkoa, aplikatuko da.

- Errentamenduaren epea:

Errentamendua bost urterako egingen da, eta lehenengoa 2020-2021 denboraldiari dagokiona izanen da.

- Errentamenduaren prezioa

Errentamenduaren prezioa, 2020-2021 denboraldikoa, bost mila eta berrehun eurokoa da, gehi BEZA; eta urtero igoko da, Nafarroari dagokion KPIa aplikatuta.

Ez da fidantza gordailutzea eskatzen.

- Esleitzeko prozedura: Los Mozolos Ehiztarien Tokiko Elkarteari esleituko zaio zuzenean, Nafarroako Ehizari eta Arrantzari buruzko abenduaren 22ko 17/2005 Foru Legearen 26.1-a artikuluan xedatutakoarekin bat.

- Errentamenduaren ordainketa

Errentamendua ordainduko da urtea hasi aurretik, ehiza nagusiaren ehizaldia hasi baino lehen. 2020. urtean kuota ordaintzeko azken eguna irailaren 20a izatea erabaki da. Tokiko Ehiztarien Elkarteak aprobetxamenduei uko egiten badie, horren berri eman beharko dio Aezkoako Batzarre Nagusiari, ehiza nagusiaren denboraldia hasi baino, gutxienez, 3 hilabete lehenago.

- Lagapena eta azpierrementamendua

Esleipendunak ezin izanen ditu barrutiko ehiza-aprobetxamenduak azpierrementan eman, ezta kontratua kostu bidez edo doan laga ere.

- Estatistikak

Esleipendunak denboraldi bakoitzeko datu estatistikoak eman beharko dizkio Aezkoako Batzarre Nagusiari, hala eskatzen zaionean, Nafarroako Gobernu Landa Garapen eta Ingurumen Departamentuari igortzeko.

- Aezkoako Mendien erabilera publikoarekiko bateragarritasuna.

Turismo handia dagoen garaietan, arreta berezia jarri behar da istripurik ez gertatzeko, beharrezko neurriak jarritz. Beraz, pistetarako sarbideak mugatuta izanen dira Aezkoako Mendietan bisitari gehien egon ohi diren egunetan. Aurreikuspen hori Ehiza Antolatzeko Planean jasota dago.

- Seinaleztapena

Barrutiaren hasierako seinaleztapena Aezkoako Batzarre Nagusiak egingen du, eta gerora, ehiza-barrutiaren esleipenaren indarrean dagoen bitartean, horren mantentze lanak Ehiztarien Tokiko Elkartearen kontura izanen dira.

- Aezkoako Batzarre Nagusiari jakinarazi beharrekoak.

Elkarteak ehizaldiaren eguna baino gutxienez bi egun lehenago jakinarazi beharko dio Aezkoako Batzarre Nagusiari zein eremutan ehizatu den, entitateak bisitarien babesa ziurtatzeko beharrezko abisuak eman ahal izateko, eta astebete lehenago, oilagorren ehiztariei sartzeko debekua jakinarazi ahal izateko.

- Zaintza

Esleipendunaren kontura izanen da ehiza-barrutia zaintzeari eta ehiza-zaintzaileak kontratatzeari buruz ezarritako betebeharrak betetzea, baldin eta legez edo erregelamenduz nahitaezkoa bada haien bertan egotea agindutako eginkizunak betetzeko, bai eta erantzukizun zibileko aseguruia kontratatzea ere, ehiza-jarduerak sozietateari ekar diezazkiokeen arriskuak estaltzeko.

Aurreikusi gabeko guztiari dagokionez, Nafarroako Ehizari eta Arrantzari buruzko abenduaren 22ko 17/2005 Foru Legean, aipatutako 17/2005 Foru Legea garatzeko eta betearazteko Erregelamendua onartzen duen ekainaren 11ko 48/2007 Foru Dekretuan eta aplikatzekoak diren gainerako indarreko xedapenetan ezarritakoa beteko da.

Usoak ehizatzeko postuei dagokienez, Uztarri, Nabala, Azpegi, Eskanda eta Loigorriako fronteei dagozkienak zuzenean esleitzen dira, EAPEan jasotzen diren deskribapenen arabera. Ehiza nagusirako ezarritako baldintzez gain, lanpostu horien zuzeneko esleipenari honako baldintza hauek gehitzen zaizkio:

- Aezkoako Batzarre Nagusiak ez du ezer kobratuko Los Mozolos Ehiztarien Elkarteak lanpostu horiek erabiltzeagatik. Elkarteak txartelen banaketa eta horien kontrola kudeatu beharko ditu. Batzarre Nagusiko idazkaritzan kudeatu eta jaulki ahal izanen dira txartelak, Elkarteko Zuzendaritza Batzordeak hala erabakitzen badu.

- Los Mozolos Ehiztarien Elkartearen kontura izanen da esleipen honetan aipatzen diren uso ehizako postu guztien (Gibleakoak izan ezik) konpontzea eta egokitzea, ehizan ongi aritzeko eta, bereziki, erabiltzaileen segurtasuna bermatuko duten segurtasun-baldintza guztiak bete ditzaten. Konpontzeko erabilitako material eta eskulan guztiak Los Mozolos Elkartearen kontura izanen dira. Esleipenaren epealdia amaitutakoan, ehiza postuetan egindako

hobekuntza guztiak, eta horretarako erabilitako materialak, Aezkoako Batzarre Nagusiaren esku geldituko dira; egindako konponketa horiengatik ez dute inolako konpentsazio ekonomikorik jasotzeko eskubiderik izanen.

- Postu horien ezaugarriak Ehiza Antolatzekeo Planean zehaztuta dago, eta, beraz, horietara egokitu beharko dira mantentze-lanak eta beharrezko konponketak.

- Urteko txartelen ehiza-denboraldia hasi aurretik kudeatuko dira beti, eta Batzarre Nagusiak postuetaraino iritsi ahal izateko ibilgailuentzako baimenak emanen ditu.

- Ezin izanen da, inola ere, usoa edo gainerako pasa-espezieak ez den beste ehizarik egin, baldin eta ehizatzekeo baimena urtero ematen bada, eta egokitutako ehiza-postuetan baino ez da eginen. Baldintza hori bete ezean, esleipena baliogabetu ahal izanen da, errentamenduaren gainerako epealdirako.

- Ehiza postuak 2020-2025erako onartutako Ehiza Antolamenduko Planean adierazitako kokalekuan egonen dira eta bertan zehaztutako ezaugarriekin mantenduko dira. Kontratuen ezaugarriei edo kokapenari buruzko edozein aldaketa kontratuaren ez-betetzetzat joko da, eta esleipena deuseztatzea ekarriko du, eta ez da kalte-ordainik jasotzeko eskubiderik izanen. Hala ere, elkarteak ehiza postuetan bidezko ikusten dituen aldaketak egiteko eskatu beharko dio Batzarre Nagusiari, horrek bidezko erabaki har dezan.

- Los Mozolos Ehiztarien Elkarteak erantzukizun zibileko aseguru bat izan beharko du, postu horietan ehizan aritzeak edo instalazioek eragin ditzaketen kalteak estaltzeko adinakoa.

- Elkarteak, aipatutako postuetan baimendutako uso eta beste espezie batzuen ehiza-aprobetxamenduaren esleipendun gisa, Nafarroako Gobernuko Ehiza eta Arrantza Zerbitzuak eskatzen dituen agiriak aurkeztu beharko ditu, hala badagokio. Batzarre Nagusiaren bidez eginen da eskaria.

- Baldintza honetan ezarritako guztia - hala badagokio - arloko arautegiaren menpe (urtekoa zein orokorra) egonen da.

Bestalde, Tokiko Ehiztarien Elkartearekin izandako bileraren berri eman da. Bilera horretan, azken ehiza-denboraldiko kontuak aurkeztu dizkiote Batzarre Nagusi honi; ibilgailuak Irabiako pistan barna igarotzeko txartelak kudeatzeko modua onartu da. Era berean, elkarteak adierazi zuen egokia izanen litzatekeela Batzarre Nagusiak, Gibekeko uso-ehizako postuen alokairua errazteko, Ingurumen Departamentuari baimena eskatzea postuen aurrealdean dauden zuhaitzetako batzuk botatzeko baimena ematea, horrela ehiza postuetako batzuen altuera murriztu liteke eta, horrela, hobe aprobetxatu eta mantentzeko.

## **HIRUGARRENA.- EHIZA-BARRUTIA: OILAGORREN EHIZA ETA USATEGIAK.**

Aezkoako Batzarre Nagusiak oilagorra ehizatzekeo 19 txartel indibidualen salmenta iragartzea erabaki du, zazpiehun eurotan, gehi BEZ, txartel bakoitzeko. Txartelen esleipena eskaera-ordenaren arabera eginen da. 2020-2021 denboraldian zehar, oilagorrek ehizatzekeo 19 txartel jarriko dira salgai, Ehiza Antolatzekeo Planean baimendutako 21 euroko gehieneko kupoaren gainean, eta Aezkoako Mendietan (NA-10418) 2020-2021 denboraldirako baimendutako

eremuak hartuko ditu barnean. Eskerak aurkezteko salmentaren iragarkia Nafarroako Aldizkari Ofizialean argitaratzen den bigarren egun baldiodunetik aurrera hasiko da. Oilagorra ehizatzeke txartelen aprobetxamendua arautzen duten baldintzak onartu dira, eta akta honi erantsita gelditu da.

Kontuan hartuta barrutiaren esleipena berritzearen onarpena luzatu egin dela, eta baita dagokion EAParen onarpena ere, uste izan da aurtengo irtenbiderik egokiena dela aurreko kanpainako esleipen-sistema berari eustea. Hala ere, Batzarre Nagusiak ehiztari batek aurkeztutako proposamen bat aztertu du, esleipena beste prozedura bati jarraituz eta urte gehiagotarako egitea proposatzen duena. Gai hau denborarekin aztertuko da, heldu den denboraldia hasi baino lehen.

Uso-postuetako ehizari dagokionez, erabaki da oraingoz enkantea ez iragartzea, izan ere uste izan dute postu guztiak berrikusi eta aurrerago erabaki beharko dela.

#### **LAUGARRENA.- PIRINIOKO PLANAREKIN LOTUTAKO PROIEKTUETARAKO DIRULAGUNTZAK: AURKEZTEKO PROIEKTUAK.**

Pirinioetako Planaren lurralde eremuan inskribatutako toki erakundeentzako dirulaguntzen deialdia argitaratu da, plan horri lotutako ekintzak gauzatzeko 2020. urtean; deialdi honetan ez da inbertsiorik diruz lagunduko. Bilerak egin dira haraneko udalekin, beharrak zehazteko eta eskaerak batera aurkezteko modua aztertzeke. Hainbat erakunderen eskaerak % 100eko diru-laguntza dakarte, eta banakakoek, berriz, % 80koa. Hainbat proiektu berrikusi ondoren, Batzarre Nagusiak proposatu du Orbaizetako Udalarekin batera aurkeztea autokarabanentzako zerbitzu eremu bat egiteko proiektu bat, haren kokapena eta ezaugarriak zehaztuko dituen, ondoren Arrazolako turistaren harrera eremu osoa berrantolatzeke. Bestalde, proiektu ugari aztertu dira, bai banakakoak bai taldekakoak, bailarako udalek, baita eskualde mailakoek ere, deialdi honetara aurkezteke.

Batzarre Nagusiak banaka sustatu beharreko proiektuari dagokionez, planteatu da Erlan-Paraisoak alderdietan baso ustiapenari buruzko interpretazio ibilbide bat egitea, behar bezala homologatuko dena exekutatzeko den bitartean.

Osoko Bilkurak erabaki du proiektu horiek aurkeztea, planteatu diren moduan, Proiektu estrategikoen zuzendari nagusiaren ekainaren 24ko 10/2020 Ebazpenaren bidez onartutako laguntzen deialdira.

#### **BOSGARRENA.- ITOLATZEKO PISTA KONPONTZEKO LANEN KONTRATAZIOA.**

Orreagako Kolegiatak loteak ateratzeko egin zuen proposamena kontuan hartuta, memoria bat egin da Itolazeko pista handitzeko eta egiteke dauden loteak atera ahal izateke. Baso jarduketan hurrengo proiektuan sartuko da, eta, beraz, dagoeneko esleitu daiteke, lan hori egiteko premia dela eta, eta ezin izanen da hasi proiekturako dagokion diru-laguntza eskaera aurkeztu arte.

Jarduketan bidez, kutxa handitu nahi da, 30 m.l. Erlanen gertatu den lerratzean (4 metroko altuera eta metro 1 zabalera), leku harritsuak. Egitekoen barne dago: Erlaneko kargalekuan materiala kargatu, garraiatu eta 2

kilometrora deskargatzea. Halaber, 50 cm-ko diametroa eta 6 m-ko luzera duen PE hodi bat jarriko da, kutxatila eta hegatsekin eta hormigoizko inpostarekin.

Lan horien balorazioa 4.793,89 eurokoa da, gehi BEZa, guztira 5.800,00 eurokoa.

Kontratuaren zenbatekoa eta lanak hasteko premia kontuan hartuta, Excavaciones y Transportes Mendizar enpresari esleitzea erabaki da, adierazitako prezioan, kontratu txikiagoei dagokienez, apirilaren 13ko 2/2018 Legearen 81.1 artikuluan xedatutakoaren arabera. Udalaren obra baimena dago, eta aurki jasoko da Nafarroako Gobernuari eskatutako ingurumen baimena.

## **SEIGARRENA.- OSASUN ETXEKO PEDIATRIA ZERBITZUKO ORDUTEGIA ALDA DEZATEN ESKATZEKO MOZIOA.**

Erroko Udalak mozio bat helarazi du, gaur egun Aurizko Osasun Zentroan ematen ari diren pediatria zerbitzuarekin lotutakoa. Udalaren ustez, Osasun Zentroan gaur egun eskaintzen den pediatria zerbitzuko ordutegiak ez die familiei laguntzen familia eta lana bateragarri egiten. Une honetan pediateraren lanaldiaren %26 eskaintzen da gure eskualdean, eta portzentaje hori aldatzen joaten da, arreta eta jarraipena behar duten haurren kopuruaren arabera. Zerbitzua astearte eta ostegunetan eskaintzen da, 10:00etatik 15: 20ra, eta honela banatzen da:

- 10:00 - 11:00 COVID-19 dela eta ezarritako prozedurarengatik bisita ez-presentzialak.

- 11:00 - 12:30: osasun azterketak.

- 12:40 - 14:20: Prozesu akutuen aurrez aurreko bisitak.

- 14:20 - 15:20: bisita ez-presentzialak.

Adierazitako ordutegi horren barnean, derrigorrezkoak diren osasun azterketa horietarako ezarritako ordutegia 11:00etatik 12:30ak bitartekoa da.

Osoko Bilkurak erabaki du mozio onartzea eta Aurizko Osasun Oinarrizko Eskualdeko Zuzendaritzari, Nafarroako Iparraldeko Oinarrizko Osasun Laguntzaren Zuzendaritzaren menpe dagoenei, eskatzea gaur egun eskaintzen den pediatria zerbitzuaren ordutegia berraztertu dezan, familia eta lana bateratu ahal izateko.

## **ZAZPIGARREN.- HAINBAT**

- Telefonía.

Orange telefonía operatzailearen proposamen bat aurkeztu da Batzarre Nagusiaren telefoniarako. Movistar-i proposamena eskatzea erabaki da, proposamena gaur egun zerbitzua ematen duenarekin alderatu ahal izateko.

- Azalegiko San Esteban Kofradia.

Idatzi bat aurkeztu da, Batzarre Nagusiak ermita inguratzen duten zuhaitzak moztea eskatzeko, eta, hala, eraikinaren gainera eror ez daitezten. Bertan adierazten da hara joateko bidean ermitaren ondoan dauden zuhaitzen adin bereko ale bat erori dela dagoeneko.

Gai horretaz lehenago ere hitz egin izan da, eta Nafarroako Gobernuko Mendi Zerbitzuko langileekin egon zen, zuhaitzak ikusten. Zaintzaileei

zuhaitzak mozteko beharra baloratzeko eta gai hori haiekin zuzenean jorratzeko berriz eskatzea erabaki da.

- Abesbatzaren entseguak

Ahoz jakinarazi da eskualdeko abesbatzaren eskaera, Aezkoako Etxeko Bilkura Aretoan entseguak egin ahal izateko; eskaera formala iritsiko da, baina aretoa erabilgarri egongo litzatekeen jakin nahi dute. Udalbatzak uste du ez dagoela inolako eragozpenik entseguak larunbatetan egiteko, eta eskaera aurkeztu ondoren zehaztuko da.

- Iratiko ordutegiak

Jakinarazi da Zaraitzuko Iboxaren Batzordeak informazio guneko arreta ordutegiak aldatuko dituela irailetik aurrera. Zerbitzua igandetik ostiralera emanen da, 09:00etatik 16:30era, txanda bakarrean. Larunbateko ordutegia orain arte bezala geldituko da, hau da, 18:00ak arte. Hemen planteatu da igandetik ostegunera Zaraitzun ematen den zerbitzu bera ematea, baina gainerako egunetan, berriz, 08:00etatik 18:20ra eskaintzea eta ordutegi hori mantentzea kanpaina amaitu arte. Osoko Bilkurak erabaki du ordutegi aldaketa horren berri ematea zaintza zerbitzuari eta turismo arloko eragileei.

- Auñamendi Gizarte Zerbitzuen Mankomunitatea.

Auñamendi Mankomunitatearen Biltza Orokorrerako deialdia jaso da. Biltzar hori 2020ko abuztuaren 26an, asteazkenean, egingen da, 16:00etan, Mankomunitatearen egoitzan. Batzarre Nagusiak Mankomunitatean duen ordezkariari helarazi zaio.

- Amavirreko Akziodunen Biltzar Orokorrerako deialdia

Asistencial Ibañeta, S.A.ren Biltzar Orokor Arrunterako eta Berezirako deialdia jaso da. 2020ko irailaren 17an egingen da bere Egoitza Sozialean. Batzarre Nagusiaren ordezkariari helarazi zaio.

- Zaraitzuko lehendakaritza

Zaraitzuko Iboxaren Batzordeko presidente ohiaren eta izendatu berriaren idatzi bana jaso da, lehenengoak karguari uko egin diola adierazteko eta bigarrenak kargua hartu duela jakinarazteko. Batzarre Nagusia jakinaren gainean gelditu da.

## **ZORTZIGARRENA.- GALDERAK ETA ESKARIAK**

Ez dira egin.

Eta aztertzeko gai gehiagorik ez baitago, bilkura bukatutzat eman da 15:00ak zirela. Errandakoa jasotzeko akta hau luzatu da, eta, nik, idazkariak, egiaztatzen dut.

